

四庫全書

史部

欽定四庫全書

史部

皇朝文獻通考卷一百八十二

府丞臣龔駿文覆勘

總校官檢討臣何思鈞

欽定四庫全書

皇朝文獻通考卷一百八十一

兵考三

禁衛兵

八旗步軍營

順治元年設提督九門步軍統領統轄八旗步軍營及九門官兵其巡捕營別以兵部職方司漢主事一人督之康熙三十年始定步軍統領兼管

提督九門巡捕三營步軍統領一人左右翼步軍

翼尉協理三營事務每翼各一人

順治元年設步軍總尉乾隆十

九年改名翼尉

八旗步軍協尉每旗各三人

順治五年設步軍副尉乾

隆十九年改名協尉每旗滿洲蒙古漢軍兼用共二十四人餘倣此

步軍副尉每旗

各三人

雍正四年設步軍叅尉乾隆十九年改名副尉

步軍尉每旗滿洲

二十一人蒙古漢軍各八人捕盜步軍尉每旗滿

洲三人蒙古漢軍各一人

捕盜步軍尉康熙三十四年設

步軍委

署步軍尉每旗滿洲五人蒙古漢軍各二人

委署步軍

尉康熙三十四年設
即於步軍內選委
領催共二千二十八名步軍

共一萬八千一百四名

各官養廉兵糧六百八名即在數內

捕盜步

軍三百二十名步軍統領所屬文職員外郎二人

初制設一人康熙六十年增一人

主事二人司務一人

司務雍正十三年增

設筆帖式十二人

初制設四人康熙三十年增四人雍正十三年又增四人

內城九門每門城門領各二人

初名城門尉乾隆十九年改名城門

領外七門同

城門吏各二人

初名城門校乾隆十九年改名城門吏外七門同

外城七門每門城門領各一人城門吏各一人內

外城門千總每門各二人

初設指揮千戶順治四年改為門千總

城

門驍騎共三百三十名門軍共六百四十名

門軍初制

名募民人充補雍正二年改用八旗養育兵乾隆四年定於步軍內撥補礮手每門各

二名

初制惟設內九門礮手乾隆七年外七門增置

中南北左右巡捕五營中軍副將兼管中營叅將

一人

原設叅將乾隆四十六年改設副將

南北左右四營叅將各一

人

原設二人乾隆四十六年增二人

每營遊擊各一人

原設三十人乾隆四十四

六年增二人

都司各一人

乾隆四十六年增設

守備共十八人

康熙

三十年初設守備十七人五十年增一人雍正元年又增一人乾隆四十六年裁一人凡中營四

人南營五人北營三人
左營三人右營三人
千總共四十六人
康熙三

設千總七人雍正元年增一人十二年增七人乾隆四十六年增三十一人凡中營十八南營十二

人北營八人左營八人右營八人
把總共九十二人
初制設十人
順治四年增

五人康熙三十年增六人五十一年增二人雍正元年增一人十二年增六人乾隆四十六年增六

十二人凡中營二十人南營二十四人北營十六人左營十六人右營十六人
外委千總

共四十六人外委把總共九十二人馬兵共四千

名戰兵共三千名守兵共三千名
原設馬兵一千
五百名步兵三千

千六百名共五千一百名乾隆四十六年增設兵四千九百名共一萬名凡馬兵四千名戰兵三千名守兵三千名

巡捕營之制順治元年設南北二營十四年增設中營康熙三年始令步軍統領兼管原設三營參將三人遊擊三人守備十九人千總十五人把總三十人兵五千一百名

乾隆四十六年奉

諭京師輦轂重地向來步軍統領所管營務止分中南

北三營地方本屬廣濶又西北昆明湖一帶離城較遠稽查巡緝更覺耳目難周所有額設官兵不敷派撥且營制亦有參差未協之處其應如何添設兵丁酌安營汛並管兵員弁及一切事宜著步軍統領衙門會同各該部詳悉妥議具奏尋議准增設左右二營增副將一人參將一人遊擊二人都司五人千總三十一人把總六十二人兵四千九百名共為五營二十三汛額兵一萬名

又

諭現今京城巡捕三營已改為五營每營俱應添設官兵但此等馬步兵缺向例招募民人挑選今既添兵甚多著於八旗漢軍鄂爾布步甲閒散內擇其年壯漢仗好者充補著交步軍統領遵旨挑選

凡城守之制內九門城門領城門吏以八旗滿洲外七門以漢軍內外城門千總並以漢軍內九門城門驍騎門軍以八旗滿洲蒙古外七門以漢軍

康熙三十八年增定正陽門城門領城門吏驍騎
等由八旗充補毋庸議調其崇文等八門官向係
各按本翼旗分管轄或致瞻徇應對調看守崇文
門以鑲黃旗宣武門以正黃旗朝陽門以正白旗
東直門以鑲白旗阜成門以正紅旗西直門以鑲
紅旗安定門以正藍旗德勝門以鑲藍旗其兵丁
等仍按旗守門

凡內外城門啟閉城門領司之轄以步軍統領其

非時啟閉者順治初年定每月逢五常朝日由禮部咨兵部轉行步軍統領於黎明啟正陽門遇

御門聽政日外城居住官員應早入者由兵部行文於曉鐘後啟正陽門遇

壇

廟祭祀日內外城陪祀官有應早入城出城者由太常寺先期咨兵部轉行於五鼓後啟門內務府遇有祭祀出城取水預期行文或早啟或遲閉其餘各部

院八旗有應早出入者均預具印文移咨兵部核
明應行者轉行啟門如無兵部印文概不准啟康
熙三十一年定遇

行幸駐蹕

暢春園

雍正元年以後遇
駐蹕園明園制同

城內各衙門按日前赴

奏事傳知西直門德勝門西便門遇

駐蹕南苑傳知正陽門永定門均酌量早啟遲開其尋
常行人仍於黎明放行雍正四年於正陽門西直

門各頒陰文合符一扇傳諭步軍統領如遇夜有
奉

旨差遣及緊急軍務應即時啟門者俟

大內持出陽文合符該城門領即取陰文合符驗明
啟鑰仍報知統領其餘各門遇陽文合符至門即
報統領親齎陰文合符至門與陽文合符比驗
乃啟均於次日具奏平時啟閉仍遵例行

凡門禁順治初年定

午門外朝會坐班行禮處一應閑人交步軍尉等驅逐雍正年間增定凡遇

朝會之期委步軍協尉四人副尉四人步軍尉十六人步軍酌量差撥於

午門外

大清門內

御道兩旁巡警禁止喧譁又於

長安左右門外每門委捕盜步軍尉二人阻逐閑人

其內九門外七門官兵各按分管之處晝稽出入
夜守扃鑰以為常凡越城者有禁依城搭蓋席棚
及閑雜人等近門歇宿者均有禁凡送葬者禁出
正陽門遇夏至祭

地壇春秋祭

日壇

月壇安定門於祭前十日朝陽阜城門於臨祭日禁亦
如之

凡步軍營汛守之制

皇城內各汛專隸八旗滿洲共分汛九十列柵一百十六鑲黃旗滿洲界在

紫禁城北東自

地安門箭亭城牆起西至

地安門甬路分中接正黃旗界北自大藥局城牆起

南至三眼井接正白旗界中設步軍尉二人

後各旗同

分汛十每汛設步軍十二人

後各旗同

柵欄十八每座

設步軍三人後各旗同附近汎者於

景山後設步軍尉一人

管理街道澗水兼管河道後各旗步軍尉職掌同

步

軍百二十人

後各旗步軍數同

正白旗滿洲界在

紫禁城東北東自內府庫東口東牆起西至

景山東牆止北自三眼井起南至銀牆風神廟接鑲

白旗界分汎十一柵欄十於

景山東門設步軍尉步軍如前鑲白旗滿洲界在

紫禁城東東自騎河樓東牆起西至北池子止北自

宣仁廟起南至北池子南口並望恩橋北接正藍旗界分汎十柵欄十三於北池子街設步軍尉步軍如前正藍旗滿洲界在

紫禁城東南東自

東安門東城牆起西至南池子街止北自北池子街並望恩橋起南至菖蒲河城牆止分汎十一柵欄九於南池子口設步軍尉步軍如前正黃旗滿洲界在

紫禁城北東自

地安門甬路分中起西至西什庫止北自侍衛教場

城牆起南至弘仁寺分中接正紅旗界分沉十二

柵欄十六於

地安門設步軍尉步軍如前正紅旗滿洲界在

紫禁城西北東自

景山西門起西至

西安門城牆止北自弘仁寺分中起南至

西安門甬路接鑲紅旗界分汎十二柵欄十七於
景山西門設步軍尉步軍如前鑲紅旗滿洲界在
紫禁城西東自大高元殿門分中起西至

西安門城牆止北自

西安門甬路分中起南至大石槽城牆止分汎十二
柵欄二十四於大光明殿後設步軍尉步軍如前
鑲藍旗滿洲界在

紫禁城西南東自

西華門起西至西苑門止北自慎刑司起南至南府
城牆止分汎十二柵欄九於

西華門外設步軍尉步軍如前

皇城外各汎分隸八旗滿洲蒙古漢軍內九門城上

設汎八十七所

遇汎四十八所與步軍相間看守遇

大街

巡幸方岳將步軍撤下分防大城內共分汎

六百二十五列柵一千一百九十九鑲黃旗滿洲

界在大城北

蒙古旗同

東自新橋起西至舊鼓樓大街

接正黃旗界北自安定門城根起南至紅廟後接

正白旗界中設步軍尉五人

後滿洲各旗同

分汛五十三

每汛設步軍十二人

後各旗步軍數同

柵欄九十四每座

設步軍三人

後各旗同

蒙古旗界東自東直門北小街

口接本旗漢軍界起西至新橋西接本旗滿洲

界北自北城根接本旗滿洲界起南至汪家衚衕西

口接正白旗界中設步軍尉二人

後蒙古漢軍各旗同

分汛

二十二柵欄二十九漢軍旗界在大城東北東自

東直門城根起西至新橋東接本旗蒙古界北自
角樓迤西接本旗滿洲界起南至南水關接正白

旗界分汎十七柵欄二十七正白旗滿洲界在大

城東

蒙古漢
軍旗同

東自朝陽門北城根起西至

地安門大街分中接鑲黃正黃旗界北自汪家衙

西口起南至大市街接本旗蒙古界分汎五十一

柵欄九十蒙古旗界東自拐棒衙東口接鑲白

旗界起西至

皇城牆止北自兵馬司衙衙接本旗滿洲界起南至

豹房衙衙接鑲白旗界分汎二柵欄三十五漢軍

旗界東自朝陽門城根起西至雞鵞市接本旗滿

洲界南自南小街口接鑲白旗界起北至何家口

接本旗滿洲界分汎十四柵欄三十一鑲白旗滿

洲界在大城東

蒙古旗同

東自東城根起西至

皇城牆止北自炒麪衙衙西口接正白旗界起南至

金魚衙衙東口接本旗漢軍界分汎四十六柵欄

八十蒙古旗界東自城根中心臺起西至

東安門止北自小石槽衙衙接本旗滿洲界起南至

小街口接本旗漢軍界分汎十三柵欄三十五漢

軍旗界在大城東南東自東城根起西至王府大

街院府衙衙口止北自金魚衙衙東口起南至就

日坊三條衙衙接正藍旗界分汎十二柵欄十八

正藍旗滿洲界在大城南

蒙古漢軍旗同

東自城根起西

自

皇城牆轉西至

長安左門止北自三條衚衕起南至小豹房衕衕西
口接本旗蒙古界分汎四十五柵欄八十七蒙古
旗界東自城根起西至數文坊東口接本旗漢軍
界北自小豹房衕衕起南至城根止分汎十九柵
欄四十五漢軍旗界東自數文坊東口起西至碁
盤街分中接鑲紅旗界北自兵部街北口接本旗
滿洲界起南至城根止分汎十五柵欄十五正黃

旗滿洲界在大城北北自德勝門城根起南至

皇城牆西北角止東自

地安門分中接鑲黃旗界起西至水關橋止分汎五

十五柵欄九十一蒙古旗界在大城西北

漢軍旗同北

自北城根起南至官園口止東自橫橋起西至西

直門止分汎十八柵欄三十漢軍旗界北自北城

根起南至臭皮街接正紅旗界東自水關接本

旗滿洲界起西至橫橋接本旗蒙古界分汎十八

柵欄四十一正紅旗滿洲界在大城西

蒙古漢軍旗同北

自臭皮街街起南至丁字街止東自大市街分中

起西至馬石橋接本旗蒙古界分汎三十八柵欄

七十九蒙古旗界北自朝天宮前起南至武衣庫

街街止東自石馬橋起西至阜城門止分汎十四

柵欄三十六漢軍旗界北自倉夾道北起南至

西安門分中止東自

皇城牆起西至大市街分中接本旗滿洲界分汎十

柵欄十四鑲紅旗滿洲界在大城西南北自按院
衙衙起南至南城根止東自瞻雲坊分中起西至
西城根止分汎四十八柵欄九十六蒙古旗界在
大城南漢軍旗同北自絨線衙衙接本旗滿洲界起南

至宣武門止東自六部口起西至大濠止分汎十
二柵欄二十三漢軍旗界北自刑部門分中起南
至南城根止東自碁盤街分中起西至六部口接
本旗蒙古界分汎十柵欄三十九鑲藍旗滿洲界

在大城西旗同北自丁字街接正紅旗界起南至

瞻雲坊接鑲紅旗界止東自

皇城牆起西至河漕沿止分汎五十柵欄九十七蒙

古旗界北自武衣庫衙衙接正紅旗界起南至接

院衙衙止東自河漕沿起西至西城根止分汎十

五柵欄二十四漢軍旗界在大城南北自灰廠接

本旗滿洲界起南至刑部門分中接鑲紅旗界止

東自

長安右門起西至瞻雲坊接本旗滿洲界分汎十柵
欄三十四以上各汎均按分轄地界防守稽察夜
則擊柝每汎設更籌自初更起上下汎往來傳送
至黎明乃止其

圓明園附近處汎守之制雍正元年定設八旗步軍
汎五十以步軍協尉四人步軍尉十二人分轄之
每汎設領催三名步軍十名晝夜巡警

凡巡捕營汎守之制外七門城上設汎二十五所

初制設十八所
乾隆十年增七所

每汛設步兵三人共以千總一

人把總二人轄之其大城外各汛分隸中南北三
營中營所屬馬兵汛五十四步兵汛五十五列柵
一百九十三南營所屬馬兵汛六十二步兵汛八
十二列柵一百四十五北營所屬馬兵汛四十九
步兵汛四十列柵一百有二各統以叅將游擊轄
以專汛守備中營叅將駐抽分廠游擊駐猪市口
南營叅將駐南海淀游擊駐廣寧門大街北營叅

將駐海鉢寺街游擊駐安定門外大街三營守備

分駐外城以內者六

康熙三十年設

中營東南守備駐蒜

市口一人西南守備駐棉花衚衕一人南營東南

守備駐東小市一人西南守備駐菜市口一人北

營內北東守備駐東河沿一人內北西守備駐延

壽寺街一人其三營守備分駐郊外者十

康熙三十年設

中營守備駐朝陽門外一人駐廣渠門外一人駐

左安門外一人又南苑牆守備駐永定門外一人

南營守備駐西直門外一人駐右安門外一人駐
廣寧門外一人北營守備駐安定門外一人駐德
勝門外一人駐東直門外一人凡中營外正東汎
內所轄至雙橋止外東南汎內所轄至北鹿司却
止北營外東汎內所轄至大王莊觀音堂止均接
通州界俱在東中營南苑牆守備轄南海子圍牆
外正南汎內所轄至南海子北牆止南營外南二
汎內所轄至西紅門三官廟止均接舊州營界俱

在南南營外南三汎内所轄至大井村止又外南
一汎内所轄至田村府君廟止均接拱極營界俱
在西北營外北汎内所轄至清河利水橋河沿止
接鞏華營界外東北汎内所轄至羊房村止接沙
河汎界俱在北每守備汎守之處各以千總把總
佐之亦有但以千總把總分駐者又南營分防
暢春園附近地方守備一人分防
圓明園附近地方守備一人又分防

靜明園

靜宜園附近地方守備各一人

康熙三十年南營設
揚春園守備一人

五十一年增一人雍正元年設
同明園守備一人乾隆九年以後增設
靜明園 靜宜園營汛

移南營額設
守備分駐 其

圓明園附近處汛守之制雍正元年定設巡捕營馬
兵汛十五步兵汛五十二乾隆九年增定

靜明園附近處設巡捕營步兵汛十二

靜宜園附近處設巡捕營馬兵汛一步兵汛十西山

小屯村及冷泉附近處各設巡捕營馬兵汎一步

兵汎四

每汎設兵三四人
或四五人

凡遇

駐蹕以叅將一人於清梵寺前駐劄各汎守備在通衢
千總把總等在僻巷嚴加稽察晝夜巡警

凡隨時增設汎守者康熙三十一年定遇

車駕行幸

皇城內外要地增置汎守每旗增步軍協尉一人直
宿其分汎列柵官兵及捕盜步軍尉等亦加嚴防

正陽崇文宣武三門外令巡捕營叅將游擊各率
該管守備千總把總直班看守并增八旗步軍汛
二十於三營兵汛中交界處相間看守委步軍尉
十六人轄之協尉四人更番稽察其餘各門外守
備在各門護城河橋相近直班千總把總等在關
廂直班加謹守衛俟

駕回乃撤乾隆十二年定遇

郊祀先一日

駕宿齋宮步軍統領於附近城門內直宿翼尉一人協尉副尉四人於祀所直宿外垣以內八旗步軍營共設汛二十四以步軍尉十六人分轄之每汛領催一名步軍六名竟夕巡警外垣以外巡捕營共設汛四十每汛步兵四名每十汛以千總把總各一人轄之以守備二人往來稽察叅將游擊各一人在要路防守

凡扈從之制康熙三十一年定遇

車駕恭謁

陵寢奏委步軍總尉

即今翼尉

一人副尉

即今協尉

一人捕盜步軍

尉八人守備千總把總各一人健步官十人分派

番役捕盜步軍馬兵等隨往如

駕幸木蘭亦令總尉以下各官兵從

皇子未分封者奉

差奏委捕盜步軍尉二人千總一人酌撥步軍番役捕

盜步軍馬兵隨行

凡潔除之制

大清門

天安門

端門並以步軍司灑掃

初制三門皆以步軍守衛雍正七年守門改用護軍其步

軍惟司灑掃 遇

朝會之期酌撥步軍於

午門外

御道左右巡警掃除其大城內各街道遇

車駕出入令八旗步軍修墊掃除大城外街道為京營所轄令步軍及三營兵掃除凡

乘輿經由內外城均由步軍統領率所屬官兵先期除道設幛衢巷以蹕行人

凡防火之制偶有不戒於火者官兵各按營界即時赴救遇外城失火報知步軍統領即率所屬啟正陽門往救兩翼步軍翼尉親督官軍於城門防守

凡緝捕之制滿洲八旗每一旗分界為三令滿洲捕盜步軍尉三人分管蒙古漢軍八旗每旗各以捕盜步軍尉一人轄之專司巡緝盜賊稽察奸宄其餘凡京城內外如有強竊橫惡負罪潛逃私鑄私銷賭博鬪毆一切違禁不法之事均責成步軍營巡捕營專汛兼轄等官督率屬兵隨時緝獲按名叙賞徇隱不報逾限不獲及軍捕受財縱放者皆論如法凡緝獲人罪止笞杖者即時斷結徒罪

以上送刑部審擬其八旗官軍耽於優劇及內外城闌闖侵占街塗送死用火化三冬風高演放起火均有禁如番役捕役人等擅設白役偵探部院事擾害良善者則嚴治其罪

凡夜禁內外城均於起更後閉柵欄自王以下官民人等皆禁行走惟奉

旨差遣各部院傳事民間喪事生產問疾延醫祭祀嫁娶燕會均詢明聽出若無故夜行者分別官民察

議責處其弁兵疎縱與非時妄拏故為留難勒索
擾累行人者責罰有差

白塔信礮官

附載

順治十年置白塔礮臺設信礮官漢軍左右翼各
二人領催二名每旗驍騎二名雍正二年改今制
乾隆八年定歸步軍統領管轄

信礮總管一人司信礮官漢軍八旗每旗各一人
礮手八名領催四名步軍十六名

信礮之制順治十年兵部尚書噶洪達等奏前在
盛京凡遇有警急則鳴鼓集衆及入北京因京城遼
濶設礮於煤山以為信後復停止無憑集衆

詔會議尋議定於白塔山及九門各設礮五座

後定內九門各設礮

十外七門各設礮五

堅旗杆五遇有警急聲礮為號杆上畫

則懸旗夜則懸燈白塔鳴礮則九門皆應之各旗
官兵聞礮聲皆披甲於應集之處齊集其白塔礮
臺有

上諭遣人持金牌至則舉礮金牌書鳴礮字樣藏於

禁中

內府三旗

順治初年設內府鑲黃正黃正白三旗

初制惟設佐領內管

領後以次增設各員

隸領侍衛內大臣康熙十三年改隸內

務府總管三十四年又隸領侍衛內大臣雍正元年仍隸內務府總管

內府護軍營三旗護軍統領各一人

雍正元年設

護軍叅

領各五人

康熙十年設

副護軍叅領各五人

康熙三十年每旗

設侍衛委署叅領三人四十二年改名副叅領雍正十三年裁烏搶護軍營又以每旗裁缺委署叅

領二人編入舊營

護軍校委署護軍叅領各三人

委署護軍叅領

康熙二十年設即於護軍校內選委

護軍校共九十九人

順治十八年設三旗

護軍校滿洲朝鮮佐領下各二人旗鼓佐領內管領下各一人康熙二十一年改定各佐領內管領

下合九十六人二十三年酌裁三十六人雍正十三年裁烏鎗護軍營又以裁缺護軍校六十人編

入舊營新舊共一百二十人內以九人為委署叅領乾隆十三年又選撥六人署前鋒叅領六人為

前鋒校別入前鋒營

筆帖式共三十人護軍委署護軍校共

十五人

委署護軍校康熙二十
年設即於護軍內選委護軍共一千六十

五名

初制滿洲九佐領朝鮮一佐領下各十五名
旗鼓十二佐領下各十名三十內管領下每

二管領合設十五名順治十八年滿洲朝鮮佐領
下各增置五名旗鼓佐領內管領下各增置十名

康熙二十一年改定各佐領管領下每護軍校一
人領護軍十名合九百六十名二十三年酌裁三

百六十名雍正十三年裁烏搶護軍營又以裁缺
護軍六百名編入舊營新舊共一千二百名定滿

洲十五佐領朝鮮二佐領下各二十五名旗鼓十
八佐領下一佐領十九名餘各十八名三十內管

領下各十五名內以十五名為委署護軍校乾隆
十三年又選撥一百二十名為前鋒別入前鋒營

臣等謹按康熙十六年定遴選三旗佐領正黃旗

朝鮮佐領及內管領下甲兵共為六百名停其一
應差遣專令學習烏槍雍正九年分設烏槍護軍
營三旗設兼管護軍叅領各二人侍衛委署叅領
各二人護軍校委署叅領各五人護軍校各十五
人護軍各二百名十三年以侍衛委署叅領及護
軍校護軍編入舊營餘缺悉酌裁故不另列

內府前鋒營

乾隆十三年設即於內府三旗護軍
枝內每旗各簡選二人為委署叅領

二人為前鋒校於護軍內撥一百二
十名為前鋒仍屬護軍統領管轄三旗前鋒校

委署前鋒叅領各二人前鋒校各二人前鋒委署

前鋒校各二人

即於前鋒內選委

前鋒共一百十四名

內府驍騎營三旗掌關防驍騎叅領各五人

康熙十六

年設乾隆十六年以司官兼攝副驍騎叅領各五人

康熙四十年設雍正十

三年停止補授乾隆十六年復改設滿洲佐領各五人

初制各三人康熙三十四

年每旗增二人旗鼓佐領各六人

初制各四人康熙三十四年每旗增二人內

管領各十人內副管領各十人正黃旗朝鮮佐領

二人

朝鮮佐領初制設一人康熙三十四年增一人

正白旗回子佐領一

人四子佐領乾隆
二十五年設
驍騎校共三十六人
康熙三十六年設三旗

驍騎校每佐領下各一人三十四年定正黃旗十
三人鑲黃正白二旗各十一人雍正五年各佐領
下增設領催委署驍騎校一人十三年停止補授
乾隆二十五年增設回子佐領下驍騎校一人

領催共二百六十四名
初制每佐領內管領下各
領催六名康熙四十三年

各酌裁二名乾隆二十五年
增設回子佐領下領催四名驍騎共五千二百五

十名
初制滿洲朝鮮佐領及內管領下每二丁設
驍騎一名旗鼓佐領下不論丁每佐領設驍

騎五十名康熙二十三年改定各佐領管領下均
三丁設驍騎二名其滿洲佐領等戶下人每佐領

下各設驍騎十二名每內管領下各設驍騎十名
每旗鼓佐領下各設驍騎八十名四十年又定戶

下人充駝騎者每佐領下額限五十名管領下額限十五名四十二年各佐領管領下各酌裁一名雍正三年又定每佐領管領下均額定駝騎五十名具戶下人充駝騎者俱停止九年增設三旗訓練兵二千名別分為二營十三年以訓練兵二千歸入舊營更定滿洲十五佐領朝鮮二佐領三十內管領下各八十九名旗鼓十八佐領下各五十九名餘額五名以丁多之佐領勻補乾隆二十五年回子佐領下亦一體增設駝騎

凡宿衛之制

景山正門護軍叅領一人護軍校一人護軍九人山

內左右門護軍校各一人護軍各九人

皆順治十年設

慈寧宮正門內管領一人

內務府所屬

護軍叅領一人 護軍校

一人 護軍九人

順治十年設初制尚有司官一人乾隆元年酌裁又康熙二十七年

停止護軍改用驍騎乾隆元年復舊制

左右門護軍叅領各一人 護

軍校各一人 護軍各九人

皆乾隆元年增定

永康左右門護軍校各一人 護軍各九人

順治十年設康熙二

十七年改用驍騎乾隆元年復舊制

慈祥門護軍叅領一人 護軍校一人 護軍九人

寧壽宮正門內管領一人

雍正元年增設

護軍叅領一人 護軍校

一人護軍九人

康熙二十八年設五十六年減護軍五人改用駝騎雍正元年復舊制

履順門

護軍叅領一人護軍校一人護軍九人

康熙二十

八年設五十六年改用駝騎雍正元年復舊制

蹈和門護軍叅領一人

護軍校一人護軍九人

康熙四十

四年用八旗駝騎營官一人領催一人駝騎九人乾隆二十二年改用護軍

順貞門護軍統領一人

護軍叅領一人護軍校二人

護軍十八人

初制用八旗護軍營叅領一人護軍十二人雍正元年改用

內府護軍乾隆十二年令
西北門亦用內府護軍

三所正門護軍叅領一

人護軍校一人護軍九人

三所門初以散秩等官
輪直乾隆十九年改設

護軍其

宮禁外圍地方均各佐領內管領下遴選領催輪班
直宿

紫禁城內

壽康宮角門後鐵門兆祥所

武英殿

南薰殿瓷器庫等處西苑門

淑清院公主府及慎刑司豐益倉等處均令散秩官
驍騎校輪直

紫光閣蕉園門南府

豐澤園

先蠶門收貯帳殿庫等處均委各內管領下有頂帶
領催輪直再織染局花爆作吉安所郡主府三眼井
官房租庫石作等處均委各佐領下有頂帶領催

輪直

皆乾隆十六年增定

凡專司防火者曰防範兵別為一班雍正五年定

於守衛

寧壽宮正門

履順門護軍內各撥二人

順貞門護軍內撥四人禁城內直班三旗驍騎內撥

二十人各處直班之執事服役人內選二十人於

步軍營內選步軍尉二人步軍四十人鑾儀衛直

班校尉內選十人共以百人合為一班令其更番
防範屬

慈寧宮正門直班內管領等統轄仍令直班之內務府總
管護軍統領司鑰長公同稽察如有應用齊集之
處令直班內務府總管或領侍衛內大臣散秩大
臣率直班之內管領等並添調

太和門直班之侍衛什長及親軍

左翼門等處之八旗護軍協同前往定於

咸安宮前設班房輪直乾隆三年移於

壽康宮西牆外令直班驍騎叅領管轄

凡扈從之制每

乘輿出入設馬上引燈五班每班燈六以護軍校二人

庫使七人

庫使及庫守皆內務府所屬

護軍二十一人執之委

司官等稽察

躬祀

太廟

社稷則

午門外兩旁列燈四十以庫守二十人護軍二十人

司之祀

南北郊及各

壇廟除

午門列燈外照馬上燈之例增設引燈五班均於

駕出之門兩旁恭候遞行交代至

壇廟門而止展拜

堂子則街門紅柱兩旁增列燈二十以庫守十人護軍十人司之均委司官等稽察遇

皇太后

皇后

妃嬪出入均設豹尾班以內府總管一人

如總管奉差則以領

侍衛府散秩大臣一人

內府護軍統領一人護軍叅領二人

率護軍校護軍從以十人執槍十人佩儀刀翊衛

由

宮至

圓明園委司官八人以四人恭候於

順貞門外步行引導至

景山西門外四人屬橐鞬乘馬接引至

圓明園如由

圓明園進

宮乘馬司官引導至

景山西門外步行司官接引至

順貞門止後從護軍統領一人護軍叅領二人率豹尾班護軍校護軍二十人從再以護軍十人前導三十人兩翼巡邏十人後扈遇恭奉

皇太后巡幸

皇后

妃嬪隨往則以護軍統領一人護軍叅領二人護軍校三人委署護軍校一人護軍三十六人沿塗扈從其

皇子福晉公主出入引導及下嫁外藩公主來京隨
從守衛亦均用內府護軍叅領護軍校護軍等有
差

臣等謹按內務府官兵除在京城分備宿衛扈從
外其各處守護

行宮京東路為盤山為燕郊為白澗為桃花寺為隆
福寺為大興莊為了髻山等七處京西路為黃新
莊為秋蘭村為梁家莊為半壁店等四處京北路

為石槽為三家店為密雲縣為瑤亭為羅家橋為
懷柔縣等六處各設千總一人委署千總一人兵
自四人至四十九人有差分隸盤山黃新莊總管
口外熱河

行宮設千總七人委署千總十三人兵二百七十人
有奇自熱河以南為喀喇河屯為王家營為常山
峪為兩間房為巴克什營自熱河以北為釣魚臺
為黃土坎為中關為什巴爾臺為波羅河屯為張

三營為濟爾哈朗圖為阿穆呼朗圖各處

行宮分設千總及委署千總或一人至二人三人兵
自六人至九十八人有差隸熱河總管皆內務府
所屬謹附載於此

又按

盛京捕牲烏喇設總管一人並協領佐領驍騎校等
員統轄打牲兵丁凡採珠者為珠軒設有頭目副
頭目又有參戶蜜戶漁戶獵戶鷹戶狐戶獺戶鷓

戶於吉林境內專司採捕諸役皆兼隸於在京內
府三旗亦附載於此

南苑守衛官兵

附載

南苑總尉一人防禦八人領催十名驍騎九十名

皆康

熙二十
四年設。

凡守衛之制於康熙二十四年定苑內原有大紅
門小紅門南紅門東紅門西紅門共五門又增設
正國寺門黃村門迴城門雙橋門合為九門大紅

門設四品總尉一人領催二名驍騎十八名其餘
八門每門各設五品防禦一人領催一名驍騎九
名

臣等謹按

南苑守衛官兵隸於奉宸苑為內務府所轄謹附載
於內府三旗之後

火器營

總統六人

初制無定員由
正年間定為六人

以王公或領侍衛內
侍簡大臣總理

大臣都統前鋒統領兼任八旗掌關防營總每旗各一人

乾隆二十九年設烏槍護軍叅領各一人初制設烏槍護軍叅領十六人

每旗各二人均以旗員兼任雍正三年裁察哈爾八旗護軍叅領改補火器營烏槍護軍叅領為專

設官乾隆二十九年酌裁八人副烏槍護軍叅領各二人初制設烏槍驍

騎叅領二十四人乾隆二十九年酌裁驍騎叅領增設副護軍叅領管礮叅領各一

人管礮叅領乾隆二十九年增設即以旗員兼任烏槍護軍校委署烏槍

護軍叅領各四人委署護軍叅領乾隆二十九年增設即於護軍校內選委管

礮章京各五人管礮章京以旗員兼任烏槍護軍校每旗滿

洲二十人蒙古八人

初制設烏槍護軍校一百二十人每旗滿洲十人蒙古四

人設烏槍駝騎校如護軍校之數乾隆二十九年裁駝騎校并入護軍校內

管礮駝騎

校各五人

管礮駝騎校以旗員兼任

筆帖式各二人

雍正九年設即於護

軍內選用仍食原餉

烏槍藍翎長每旗滿洲二十人蒙古八

人

食護軍餉之筆帖式十六人及烏槍藍翎長二百二十四人均在兵數內

八旗滿洲

蒙古每佐領下烏槍護軍七名礮駝騎一名

火器營之制於康熙三十年設定烏槍護軍每人

各給烏槍一八旗各給予礮五尊司教演火器

乾隆三十三年增兵二千名

圓明園八旗護軍營

總統無定員

以王公大臣兼任乾隆十六年定以一人掌印亦由

持簡八旗

營總每旗各一人

乾隆十六年定以二人隨印協理事務

護軍叅領

各一人

護軍叅領雍正十年設乾隆十六年定以二人隨印協理事務

副護軍叅

領各二人護軍校委署護軍叅領各四人

即於護軍校內

選護軍校各十六人

初制設八十人雍正十年增三十二人乾隆十二年增

十六人十六年定以四人隨印副護軍校各十六人

雍正七年初設七十二人

十年增四十人乾隆十二年增十六人即於護軍內選用筆帖式共四十人雍正

十年設即於護軍內選用仍食原餉乾隆十六年定以八人隨印護軍共三千八

百名

初制設三千名乾隆十二年以京城護軍八

軍校一百二十八人及食護軍餉之筆帖式四十

人均在數內四十三年裁護軍三百名改設披甲

三百名五十年仍養育兵共四百八十名初制設

圓明園八旗護軍營之制於雍正二年設在

禁苑周圍建營房八所選京中八旗官軍按旗駐劄

初定

圓明園門汎警蹕共百處日以營總四人副護軍叅
領八人署護軍叅領十六人護軍校護軍千人入
直夜傳更籌十六過

駕至

圓明園及還

宮自

圓明園至紅橋以副護軍叅領署護軍叅領四人護

軍校護軍八十人於路旁兩翼清蹕如

駕由水路自

暢春園西南門經聖化寺至長春橋以營總三人副
護軍叅領署護軍叅領十六人護軍校護軍二百
四十人於長河兩岸清蹕乾隆四年恭奉

皇太后駐蹕

暢春園於

圓明園改設門汎共七十六處日以營總二人護軍

叅領二人副護軍叅領署護軍叅領十五人護軍
校護軍七百六十人守衛

暢春園增設門汎十九處日以營總一人副護軍叅
領署護軍叅領四人護軍校護軍一百九十人守
衛夜傳更籌八八年定遇

駕駐靜宜園設門汎五十一處日以營總二人護軍叅
領一人副護軍叅領署護軍叅領十三人護軍校
護軍五百十人守衛夜傳更籌十

車駕往還均以營總三人護軍叅領三人副護軍叅領
署護軍叅領二十人護軍校護軍五百二十人於
經由之路左右清蹕遇

駕詣黑龍潭大覺寺行禮以營總三人護軍叅領三人
副護軍叅領署護軍叅領十四人護軍校護軍七
百人沿路清蹕十年增設

長春園門汎二十處日以護軍叅領一人副護軍叅
領署護軍叅領四人護軍校護軍二百人守衛夜

傳更籌八十八年增設

清漪園門汎六處日以副護軍叅領或署護軍叅領
一人護軍校護軍六十人守衛又定

駕幸靜明園等處以營總三人護軍叅領三人副護軍
叅領署護軍叅領九人護軍校護軍二百四十人
沿路清蹕

圓明園內府三旗

營總一人

雍正十年設

三旗護軍叅領各一人副護軍

叅領各一人護軍校委署護軍叅領各一人即於

校內護軍校各三人副護軍校各一人雍正七年

選委軍校每旗各一人後改為副筆帖式四人即於

護軍校即於護軍內選用原仍食護軍共一百二十名副護軍校三人及食

人均在披甲三十名乾隆五十

圓明園內府三旗護軍營之制於雍正二年設備

禁苑諸處派委由

圓明園總統八旗事務王公大臣掌其升選僉補仍

隸於內務府

健銳營

總統無定員

以公侯大臣兼任

左右翼翼長各一人八旗

前鋒叅領每旗各一人副前鋒叅領各一人前鋒

校委署前鋒叅領各二人

委署前鋒叅領乾隆十八年增設即於前鋒校

內選

前鋒校共五十人副前鋒校共四十人

副前鋒校

乾隆十八年增設即於前鋒內選用

筆帖式四人

即於前鋒內選用仍食原餉

藍

翎長共五十人前鋒共一千名

副前鋒校四十人及食前鋒餉之筆

帖式四人 藍翎長

五十人均在數內 委署前鋒一千名

乾隆十七年增設上三旗 委署前鋒乾

設養育兵一百名

乾隆十七年增設上三旗 五十名下五旗五十名

前鋒軍演習水師教習漢侍衛十人

乾隆十八年增設 把

總十人

由天津及福建水師營選送天津四人 福建六人

水手七十二名

初制設水手四十八名 亦由天津福建選送附內 府正黃旗旗鼓佐領下十八年增設江蘇省戰船

水手七十二名 二十三年酌裁四十八名

健銳營之制於乾隆十四年設奉

諭去歲金川用兵朕思我滿洲兵向用雲梯攻城因命

八旗於前鋒護軍內擇年壯人才健勇者千人特命大臣監視操演所選兵各奮勉學習不數月間皆已精練隨征金川功成凱旋如令仍回本營隨行行走則伊等前功徒費且我滿洲舊日技藝仍至廢弛若將伊等專設一營演習均可為精銳兵於緩急之用更有裨益遇有行幸令伊等隨往圍獵學習行走更得嫻熟竢回軍之日不必令回本營專令大臣數人管轄特簡大臣一人總統其如何設營伍操演遇行

幸隨蹕再如何施恩使得升轉之途著大學士公同
管轄操演之大臣等詳議具奏尋議准雲梯兵一千
名原委翼翼長四人前鋒叅領十六人前鋒校四十
人管轄今既專設一營應將雲梯兵千名分為兩
翼翼每翼設翼翼長八旗各設前鋒叅領副前鋒叅領
設前鋒校五十鑲黃旗九人正黃正白二旗各八
人正紅等五旗各五人以上各官不能兼任均應
專設至健銳營總統以公侯大臣兼理請

旨持簡其雲梯兵千名上三旗五百鑲黃旗一百六十

六名正黃正白二旗各一百六十七名下五旗五

百每旗一百名專習雲梯鳥槍馬步射馳馬躍馬

舞鞭舞刀諸技又於昆明湖設趕繒船

初制設八船十六年

增二十四船二十一年減八船以前鋒軍習水戰駕船

駛風之技

三十三年增兵一千名

凡守衛之制乾隆十五年定日以叅領一人前鋒

校前鋒十人守衛

靜宜園宮門遇

駕幸靜宜園則以侍衛守門而移叅領等駐碧雲寺孔道十八年又定新增官兵內以署前鋒叅領二人副前鋒校每旗各一人署前鋒每旗各十五人駐紅石山

凡扈從之制乾隆十五年定每遇

巡幸以健銳營官軍分撥十分之四隨往十七年又定健銳營操演事繁嗣後隨

駕撥官軍十分之二

恭載乾隆十四年平定金川

御製實勝寺碑記

去歲夏視師金川者久而弗告其功且苦酋之恃其
碣也則創為以碣攻碣之說將築碣焉朕謂攻碣已
下策今乃命攻碣者而為之築碣是所謂借寇兵而
資盜糧者全無策矣為之憊然因憶敬觀

列朝實錄開國之初我旗人躡雲梯肉薄而登城者不可

屈指數以此攻碉何碉弗克今之人猶昔之人也則命於西山之麓設為石碉也者而簡飲飛之士以習之未逾月得精其技者二千人更命大學士忠勇公傅恒為經略統之以往且厚集諸路之師期必濟厥事賴

天之佑大功以成此固經畧智勇克兼用揚我武酋長畏威懷德厥角請命是以敵愾以往者率中道而歸竊恨未施其長技有餘怒焉記不云乎反本修古不忘

其初雲梯之習猶是志也而即以成功則是地者豈
非綏靖之先聲繼武之昭度哉因命擇向庀材建寺
於碣之側名之曰實勝夫已習之藝不可廢已奏之
績不可忘於是令成功之旅立為健銳雲梯營並於
寺之左右建屋居之間亦依山為碣以肖刮耳勒歪
之境昔我

太宗皇帝嘗以偏師破明十三萬衆於松山杏山之間歸
而建實勝寺於盛京以紀其烈夫金川叢爾窮者豈

明師比然畧昆明而穿池勝僑如而名子其識勿忘
一也漢書訓碣作雕碣為石室而雕則若雕鶚之棲
云者皆非是蓋西南夷語彼中呼樓居其音為碣云爾

乾隆二十六年平定西域

御製實勝寺後記

歲己巳建實勝寺於西山之下其緣起已見前記不
復綴今賴

昊天垂佑

宗社篤祐平準噶爾回部拓地伊犁喀什噶爾葉爾羌一
帶二萬餘里其外羈縻附屬如哈薩克布魯特安集
延拔達克山等部不與焉凡乘機決計信賞必罰奉
天討罪藉衆集事諸大端俱見太學之碑開惑之論西師
之詩亦不復綴茲記者寺左近健銳雲梯營實居之
營之兵是役効力為尤多故不可不旌其前勞以勸
夫後進先是呼爾璫霍斯庫魯克之戰我師以少敵
衆而賊據險伺隙故凡行陣參伍彌縫之際略覺旗

靡鼓餒處得健銳兵數十立其間則屹如堅城整而復進遂乃斬將搴旗用成殊績蓋索倫兵馬射雖精以之馳突乘勝破陣無不如志而知方守節終不如我滿洲世僕其心定其氣盛夫出萬死一生為國宣力而為之君者事成而忽若忘獨何心哉朕豈為之哉自己巳設此營而辛巳即收其效不啻樹樹十年之得報故潛移默運有若

天授予亦有所不知其然而然者而敬繩

祖武丕揚國烈瞿瞿惴惴惟盛滿之是懼猶初志也是用
重勒碑記之且肖喀喇烏蘓襲迫之狀築堡其側歲
時幸香山閱健銳兵用寓尹鐸晉陽之意不亦可乎
臣等謹按健銳營之設始於乾隆己巳年厥後平
定準噶爾回部雲梯兵宣力為多仰見

睿略周詳修明武備用能儲材於十載之前而程功於
二萬餘里之外敬錄

御製前後碑記以表茲營緣起之始及收效之遠焉

三旗虎槍營

總統一人

以公侯領侍衛內大臣兼任

三旗總領各二人

初制設每

旗各一人

雍正元年各增一人以內大臣都統前鋒統領護軍統領副都統侍衛簡用

虎槍

長各七人

初制設每旗各一人雍正元年增定即於虎槍人內選用

虎槍副長

各七人

雍正元年增設即於虎槍人內選用

筆帖式六人

乾隆三年增設虎

槍人共六百名

於親軍校親軍前鋒校前鋒護軍校護軍駝騎校駝騎領催及閑散

人內選用初制設三百六十人雍正元年增置每旗各二百名內為虎槍人四百八十名學習虎槍

人一百二十名

虎槍營之制於康熙二十三年黑龍江將軍進精騎射善殺虎新滿洲四十人至京分隸上三旗初設虎槍營

凡扈從之制遇

車駕蒐狩虎槍總統統領率所屬從日以十人携虎槍於前導侍衛前行安營後偵虎豹出入備伏弩箭犁刀

行田遇大獸則列槍從之奉

旨殪虎或尋山追踪得實具奏有

旨則殪虎以獻以首先刺虎一二人名奏

聞如差徃畿輔或口外殺虎量地遠近奏請

簡總統或總領酌帶虎槍人以前

盛京內府三旗

順治三年設

盛京內府鑲黃旗正黃旗佐領八年設正白旗佐領

初制給佐領總管

盛京內府事務關防奏簡一人掌之乾隆十七年特

設

盛京內務府總管令三旗佐領皆歸統轄

三旗佐領各一人

順治三年設二人

內管領一人

乾隆

三十年

增設驍騎校三人

康熙十年設

司庫一人

初制設

三十

九年改補主事一人三十年改補內管領一人仍食原俸

主事一人

乾隆十九

年增設

委署主事一人

乾隆三十年於

筆帖式內改補筆帖式十五人

初制

設十六人乾隆三十年改補

委署主事一人仍食原俸

庫使十六人

初制設

在駝騎數內乾隆九年
改為定額又增六人
頭目及執事人六十七名

頭目及執事人初制即在駝
騎數內乾隆九年改為定額
催長八人初制設九

十年酌裁一人定食
俸四人食餉四人
領催十八名駝騎委署領催

二十四名駝騎六百八十四名
初制每佐領下駝
騎各二百三十共

六百九十名乾隆九年定駝騎額內庫使及頭目
執事人等為專設之缺實存駝騎六百十三名又

增設十七名定為每佐領下各二百共六百三
十名十二年除各項專差打獵駝騎三十名看倉

駝騎六名委署領催駝騎二十四名之
外共存五百七十七名又增設七十八名

凡守衛之制順治初年定三旗官率所屬駝騎輪

班守衛

宮殿初制設班房六座乾隆九年增設宮內班房三座定驍騎分七班輪直每九十人為一班每班房十人十二年增設兩掖班房三座合新舊班房十二座改定驍騎分六班輪直每一百八人為一班每班房九人其餘官兵並分職掌酌派齋送貢物及圍獵各差並屬於

盛京內務府總管仍由在京內務府掌其升選

臣等謹按

盛京內府三旗守衛

留都宮闕非駐防地方之比敬載入禁衛兵中其三
將軍所屬官兵俱入直省兵內

守衛

陵寢官兵

陵寢守衛各總管一人翼領二人

惟

孝東陵專設防禦
昭西陵

騎校各員騎都尉雲騎尉等世職無定員防禦十六人

驍騎校二人所屬驍騎均八十名

園寢守衛各防禦八人

惟

景陵皇貴驍騎校

一人所屬驍騎均四十名

凡

陵寢守衛之制天聰八年

永陵設散秩官一人順治五年

福陵

昭陵設散秩官各一人十三年

福陵

昭陵設總管各一人翼領各二人防禦各八人康熙二年

孝陵設總管一人翼領二人防禦十六人八年

三陵散秩官改為司工匠官各一人九年

永陵設總管一人翼領二人防禦八人十三年

三陵增防禦各八人十九年

仁孝皇后

後恭易

孝誠仁皇后

尊謚為

陵寢

景陵

設總管

一人翼領二人防禦十六人二十年

妃園寢設防禦八人二十七年

暫安奉殿

昭今西陵

設防禦十六人五十七年

孝東陵設防禦十六人乾隆元年

泰陵設總管一人翼領二人防禦十六人二年

昭西陵

孝陵

孝東陵

景陵

泰陵設驍騎校各二人

景陵妃園寢設驍騎校一人三年

泰陵妃園寢設防禦八人驍騎校一人八年

景陵皇貴妃園寢設防禦四人驍騎校一人九年

端慧皇太子園寢設防禦八人十八年

孝賢皇后陵寢設總管一人翼領二人防禦十六人驍

騎校二人

妃園寢設防禦八人驍騎校一人四十二年

秦東陵設防禦十六人驍騎校二人領催四人馬甲七十二
六名

王公府屬官兵

親王設長史一人散騎郎四人護衛二十人典儀
六人親軍校無定員世子設長史一人散騎郎三
人護衛十七人典儀五人郡王設長史一人散騎
郎三人護衛十五人典儀四人長子設長史一人
護衛十二人典儀三人貝勒設司儀長一人護衛

十人典儀三人貝子設護衛六人典儀三人鎮國
公輔國公各設護衛四人典儀二人五旗內王公
府屬叅領每旗各五人佐領每旗各七人驍騎校
每佐領下一人王貝勒貝子公等府佐領各設甲
兵多寡不等固倫公主府本佐領額兵內設守門
甲兵十五名和碩公主府十名郡主府八名縣主
府六名

凡王公府屬守衛之制於順治八年詳定官數至

康熙十八年又定府屬長史散騎郎護衛典儀及
佐領員缺並由王貝勒等擬定具題始行補授其
六品以下各官照例選補雍正元年定諸王旗屬
佐領非包衣佐領可比嗣後旗屬人員祇准用為
散騎郎護衛親軍校此外或挑取隨侍之人或令
各衙門官員兼理家務或需用多人供役或令隨
侍子姪者俱列名請

旨然後知會該旗都統覆奏四年定各王屬下仍准設散

騎郎其貝勒貝子等所有散騎郎一概酌裁乾隆十八年定長史司儀長員缺於下五旗應用人員內令該旗都統每旗選二人咨送兵部會同領侍衛內大臣該王貝勒擬題護衛以下由王貝勒等選擬俱引

見補用

皇朝文獻通考卷一百八十一